

Սենաար դաշտի Սիւպարը : Սալխալ աւանը , որ իշխանական ոստանի դեր է կատարել , ինչպէս նախուրարտական շրջանում , Պահլաւ-Պարթեւների ժամանակ յիշեցնում է Զարգրոսի լեռներում գտնուած Անշանի Սարխարը , Գիլանի Սարխարը , Նուխու եւ Դարաւագեազի Սարխարը , որոց հետ համեմատելով աւելի հին է եւ Աչքադարեան շէնքերով նրանցից գերազանց է : Ճորոխի Սալխարը նախապատմական , ապա կոկուած , տաշուած եւ յղկուած քարերի շինուածքներով , բերդերով , ամրոցներով , պարիսպներով , քրիստոնէական տաճարներով եւ պալատներով ցոյց է տալիս , որ նա իր դիրքը պահպանել է բոլոր յեղաշրջման ընթացքում , գոյութիւնը յարատեւել , ապրել է դարէ դար :

Սալղերի երկրի , Նահարինի աշխարհի նահանգներն ու գաւառները այնպէս են իրար շաղկապուած , որ համայն մեր երկրի անցեալի ուսումնասիրութեան համար անհրաժեշտ է ամէն մի նահանգի առանձնաշատուկ վիճակի հետ ծանօթանալ , նորա անցեալն ուսումնասիրել , ներկայ վիճակը մանրամասն քննել եւ ապա բոլորը իրար միացնելով՝ դրուատել եւ դսրովել այն ժողովրդին , որի կեանքը սահել է , անցել է երկրում 70—80 դարերի ընթացքում : Ի՛նչ միջնադարեան պատմաբանները շատ են խօսել , գրել Այրարատեան , Բարձր-